

【袁中郎宏道居士】

(科註第1026頁第6行第522集2012年9月18日)

《淨土聖賢錄》(節錄)：袁宏道，字中郎，號石頭居士，湖北公安人也。兄宗道，字伯修。弟中道，字小修。三人先後舉進士，皆好禪宗。萬曆中，宏道為吳江知縣。後為禮部主事。謝病歸，初學禪於李卓吾，信解通利，喜辯論。已而自驗曰：「此空談，非實際也。」遂迴向淨土，晨夕禮誦，兼持禁戒。因博采經教，作西方合論，圓融性相，入不二門。其論五種行門(信心行、止觀行、六度行、悲願行、稱法行)，尤為切要。(中略)

中道，官南禮部郎中。乞休，老於家，居常勤於禮誦。萬曆四十二年望夕，課畢趺坐，形神靜爽。忽入定，神出屋上，飄然乘雲。(中略)至一樓下，一人下迎，其顏如玉，衣如雲霞，長丈餘，見中道，喜曰：「弟至矣。」諦視之，則宏道也。上樓交拜，有四五人來共坐。

宏道曰：「此西方邊地也。信解未成，戒寶未全者，多生此。亦名懈怠國。上方有化佛樓臺。前有大池，可百由旬。中有妙蓮，眾生處。既生，則散處樓臺，與有緣淨友相聚。以無姪聲美色，勝解易成，不久，進為淨土中人。」中道問：「兄生何處？」宏道曰：「我淨願雖深，情染未除，初生此少時，今居淨土矣。終以戒緩，僅地居，不得與大士昇虛空寶閣，尚需進修耳。幸宿生智慧猛利，又曾作西方論，讚歎如來不可思議度生

之力，感得飛行自在，游諸剎土，諸佛說法，皆得往聽，此實為勝。」